



Broj: 31/09
08.06.2009.

Informacija o pomijeranju datuma početka štrajka na Fakultetima i Akademijama Univerziteta u Sarajevu

Centralni odbor Sindikata Univerziteta u Sarajevu je dana 06.05.2009 god. donio odluku u pokretanju štrajka na šesnaest visokoškolskih institucija članica SUNSA.

U skladu sa Federalnim zakonom o štrajku preduzete su sve aktivnosti oko uspostavljanja dijaloga sa Vladom Kantona Sarajevo i Ministarstvom obrazovanja i nauke.

Dana 15.05.2009 god. održan je sastanak sa premijerom Besimom Mehmedićem i ministrom Safetom Kešom na kome je dogovoreno da se odmah pristupi imenovanju timova za pregovore oko izrade Kolektivnog ugovora. Nažalost, do danas taj dogovor nije pravno realiziran.

Kako na više naših inicijativa za uspostavljanje dijaloga i realizacije postignutog dogovora nije bilo reakcije od strane Vlade KS, dana 27.05.2009 god. pokrenuli smo zakonsku proceduru za imenovanje predsjednika Arbitraže, a koja je trebala definirati funkcije neophodne za minimalan rada visokoškolskih institucija koje su se izjasnile za štrajk.

Naš pristup o nužnosti poštivanja procedura iz zakona o štrajku je pokazao da nije realno moguće u zakonski definiranim rokovima ostvariti sve potrebne procedure.

Tako da su danas, 08.06.2009 god. na raspravi u Općinskom sudu u Sarajevu oko utvrđivanja predsjednika arbitraže, a kojoj su prisustvovali predstavnik Sindikata Univerziteta u Sarajevu, predstavnika Vlade KS, zamjenik ministra obrazovanja i nauke dr Almir Mašala, zamjenik pravobranioca KS i uvaženi prof. dr Zdravko Grebo kao budući predsjednik Arbitraže utvrđeni sljedeći zaključci.

- Sutra do 15 sati će biti donesena Odluka Općinskog suda o imenovanju predsjednika arbitraže prof. dr Zdravka Grebe.
- Do tada Vlada Kantona Sarajevo treba da dostavi ime i prezime svog predstavnika u Arbitraži.
- Arbitraža treba da u roku od pet, odnosno sedam dana donese odluku o načinu kako će se odvijati štrajk na Fakultetima i Akademijama Univerziteta u Sarajevu.
- Zbog toga je nužno privremenog pomijeranja datuma štrajka za min. sedam dana, a u skladu sa Federalnim zakonom o štrajku.

Zamjenik ministra obrazovanja i nauke dr Almir Mašala predočio je na Općinskom sudu u Sarajevu nepotpisanu Odluku Vlade KS o imenovanu Komisije za pregovore sa „Sindikatom visokog obrazovanja“. Ukazao sam da je štrajk pokrenuo Sindikat Univerziteta u Sarajevu radi očuvanja digniteta Univerziteta u Sarajevu i svih koji rade na njemu, a ne Sindikat visokog obrazovanja koji pod tim imenom ne postoji na Univerzitetu u Sarajevu. U skladu sa tim i Odluka Vlade KS se odnosi na nepostojeću organizaciju, a ne na Sindikat Univerziteta u Sarajevu.

Zbog toga molimo sve zaposlene na Fakultetima i Akademijama Univerziteta u Sarajevu koji su se odlučili za organiziranje štrajka da prihvate ove zaključke i podrže aktivnosti Centralnog odbora Sindikata Univerziteta u Sarajevu.

Posle završetka rada Arbitraže, Centralni odbor Sindikata Univerziteta će blagovremeno informirati svoje članove i sve zaposlene na Univerzitetu o svojim daljim aktivnostima oko rganiziranja štrajka.

Sarajevo, 08.06.2009 god.

Predsjednik Sindikata Univerziteta u Sarajevu

Prof. dr Berko Zečević